



Broj: 02-04-63/22-AP-16
Datum: 04.02.2022. godine

OPĆINSKO VIJEĆE ZAVIDOVIĆI
n/r PREDSEDAVAJUĆOJ OPĆINSKOG VIJEĆA
gospođa Erna Merdić Smailhodžić

PREDMET: Dopuna odgovora na vijećničko pitanje sa 12. sjednice Općinskog vijeća Zavidovići održane 29.12.2021. godine, dostavlja se

Povodom vijećničkih pitanja postavljenih na 12. sjednice Općinskog vijeća Zavidovići održanoj 29.12.2021. godine, dostavljamo dopunu odgovora na vijećničko pitanje:

1. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste a u vezi sanacije klizišta na regionalnoj cesti R466 Zavidovići-Kamenica-Ponijeri.

Obrazloženje vijećničkog pitanja:

Skoro 3 godine učesnici saobraćaja na regionalnom putu R466 na putnom pravcu Zavidovići-Kamenica-Ponijeri svakodnevno su potencijalna žrtva saobraćajne nesreće kao uzrok suženja kolovozne trake izazvane odronom dijela regionalne ceste na dionici putnog pravca između naseljenih mjesta 5 i 6 kilometar.

Klizište i odron jednog dijela kolovozne trake suzio je regionalnu cestu R466 i ugrožava sigurnost učesnika saobraćaja i do danas nije saniran.

Direktno pitanje:

Da li će se konačno poduzeti aktivnosti na sanaciji ovog klizišta, te spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići-Kamenica konačno biti podvrgnuta potpunoj sanaciji i rekonstrukciji od strane Kantonalne direkcije za ceste i Ministarstva za saobraćaj i komunikacije ZE-DO kantona kada je u pitanju redovno godišnje održavanje regionalnih cesta?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju, broj: 03-04-157/22-AP-5 od 04.02.2022. godine): Na osnovu dopisa: Informacija o poduzetim aktivnostima u vezi sanacije klizišta na regionalnoj cesti R466 Zavidovići – Kamenica - Ponijeri, Zahtjev za intervenciju, broj: 03-04-157/22-AP-3, dana 19.01.2022. godine, kojeg je uputila Služba za upravu privrede, lokalni razvoj, infrastrukturu i međunarodnu saradnju, dostavljen je odgovor i informacija Ministarstva za prostorno uređenje, promet i komunikacije i zaštitu okoline ZDK - Kantonalna direkcija za ceste broj: 12-23-1213/22 od 02.02.2022. godine.

U dopisu je navedeno da je gore navedeno ministarstvo - Kantonalna direkcija za ceste dana 22.12.2021. godine pokrenula otvoreni postupak javne nabavke za radove modernizacije dijelova regionalne ceste R 466 Zavidovići - Kamenica, a koji se odnosi na sanaciju oštećenja na stacionažama 3+782; 5+000 i 5+300, te nakon što se provede postupak i donese Odluka o izboru najpovoljnijeg ponuđača, zaključit će se ugovor i pristupiti izvođenju radova na sanaciji nastalih oštećenja, koja ugrožavaju sigurno odvijanje saobraćaja na navedenoj regionalnoj cesti.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)